

Sarajevo, 22-02-2022

Broj: 01-11-3-6529-1

Na osnovu člana 69. stav (3) Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama KCUS (br.0202-14544/17), a na prijedlog Službe IKT od 21.02.2022.godine, Generalna direktorica donosi:

ODLUKU

o otkazivanju postupka javne nabavke za
usluge održavanja SAP licenci za potrebe KCUS-a

I

Otkazuje se otvoreni postupak javne nabavke za usluge održavanja SAP licenci za potrebe KCUS-a, pokretnut Obavještenjem o nabavci broj: 893-1-2-896-3-697/21 od 29.12.2021.godine, objavljenog na portalu e-nabavke, u skladu sa članom 69. stav (3) Zakona o javnim nabavkama iz razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

II

Ova Odluka stupa na snagu danom donošenja i ista će biti objavljena na web stranici KCUS-a i istovremeno dostavljena učesniku postupka javne nabavke.

III

Odluka o izboru najpovoljnijeg ponuđača br.01-11-3-6529 od 08.02.2022.godine, stavlja se van snage.

OBRAZLOŽENJE

Klinički centar Univerziteta u Sarajevu (u daljem tekstu KCUS) Odlukom o pokretanju postupka javne nabavke br. 58-04-6-60381 od 22.12.2021.godine pokrenuo je postupak javne nabavke za usluge održavanja SAP licenci za potrebe KCUS-a sa procjenjenom vrijednošću 105.820,00 KM bez PDV-a. Nabavka je planirana Planom javnih nabavki za 2021. godinu pod kategorijom „usluge“ redni br. 25. Za navedeni postupak predviđeno je zaključivanje okvirnog sporazuma sa provođenjem e-aukcije.

Na osnovu Obavještenja o nabavci br. 893-1-2-896-3-697/21 od 29.12.2021.godine objavljenog na portalu e-nabavke tendersku dokumentaciju za postupak javne nabavke preuzelo je 10 (deset) potencijalnih ponuđača, a izmjenu i dopunu Tenderske dokumentacije objavljenu 17.01.2022.godine pod brojem 893-1-2-896-8-21/22 preuzelo je 7 (sedam) potencijalnih ponuđača: DD BH Telekom Sarajevo; PROINTER ITSS Banja Luka; EKAPIJA d.o.o.; LANACO d.o.o.; S CONSALTING d.o.o. Mostar; ROAMING NETWORKS d.o.o. i INTEH d.o.o.

U ostavljenom roku za prijem ponuda u ovom postupku javne nabavke, ponudu je dostavio ponuđač PROINTER ITSS d.o.o. Banja Luka (br. 10-11-3-4970 od 01.02.2022.godine u 08 h i 22 min). Komisija za javnu nabavku konstatovala da je jedina dostavljena ponuda ponuđača, formalno-pravno i tehnički ispravna i **ista ima ovlaštenje proizvođača (MAF) izdato od strane SAP West Balkans d.o.o.** da učestvuje u predmetnom postupku. Navedenim ovlaštenjem se potvrđuje da je PROINTER ITSS d.o.o. Banja Luka član Infinity International Group te ima certifikat PCoE (Partner Center of Expertize).

Nakon provedenog postupka, a na prijedlog Komisije donijeta je Odluka o izboru najpovoljnijeg ponuđača br.01-11-3-6529 od 08.02.2022.godine, a okvirni sporazum za usluge održavanja SAP licenci za potrebe KCUS-a, da se dodijeli ponuđaču "PROINTER ITSS" d.o.o. Banja Luka.

Služba za IKT Tehničkog sektora KCUS-a dana 21.02.2022.godine, dostavila je prijedlog za otkazivanje postupka konkretne javne nabavke iz razloga što je nakon donošenja Odluke o izboru najpovoljnijeg ponuđača br.01-11-3-6529 od 08.02.2022.godine, ponuđač "PROINTER ITSS" d.o.o. Banja Luka izgubio partnerski status od kompanije Microsoft.

Budući da je predviđeno zaključivanje Okvirnog sporazuma na period od 1 (jedne) godine i da je Microsoft trenutno najveća softverska kompanija, ponuđač "Prointer ITSS" d.o.o. Banja Luka neće biti u mogućnosti realizovati predmetnu nabavku, a što se nije moglo predvidjeti u vrijeme pokretanja konkretne javne nabavke i donošenja odluke o izboru ponuđača.

Shodno navedenom, a primjenom odredbi člana 69. stav (3) Zakona o javnim nabavkama, odlučeno je kao u dispozitivu.



POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču;
- Tehnički sektor
- a/a KCUS

Handwritten signature in blue ink.